

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE



Broj: 01-131/24  
Vareš, 27.06. 2024. godine

**Z A P I S N I K**  
*sa 34. sjednice 29.04. 2024. godine*

Predsjedavajuća OV pozdravila je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Sahudina Beganović, Nurdin Begović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović, Nikola Šimić i Ešref Likić.

**Odsutni:** Maja Berberović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 34. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, pomoćnik načelnika – gosp. Ermin Musa, rukovodilac JURA – gosp. Rusmir Berberović, ispred Sluzbe za privredu i finansije – gđa Stela Terzić i – gosp. Dragan Orozović, direktori javnih preduzeća – gosp. Zafer Kamenjaš i gosp. Ivan Miletović i predstavnici medija.

Predsjedavajuća OV izvijestila je prisutne da je na 33. sjednici OV održanoj 28.03.2024. godine, Vijeće donijelo tri (3) zaključka koji su u toku realizacije. Postavljeno je osam (8) vijećničkih pitanja. Na sva pitanja je odgovoreno.

Općinski načelnik Zdravko Marošević pod aktuelnim pitanjima nije imao obraćanje.

**(Izjašnjavanje vijećnika o dobivenom odgovoru)**

Nije bilo izjašnjavanja.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba





*(Vijećnička pitanja i Inicijative)*

**Dario Dodik**

1. Koji je iznos finansijskih sredstava koji je Općina ostvarila od prodaje stalne imovine, u ovom sazivu Vijeća, koju imamo na raspolaganju? Koliko je novca od tih istih sredstava utrošeno u infrastrukturne objekte/projekte u gradu/općini Vareš koji nisu, većina njih, planirani u budžetu Općine?

**Nazif Hajrić**

2. Kada će doći do nastavka realizacije projekta ulične rasvjete u naselju Radonjići, Mjesna zajednica Striježevo? Do sada su postavljene stope, potrebno je još postaviti stubove (rasvjetno tijelo).

**Nedžad Mušanović**

3. Pitao bih Načelnika da li se može nešto uraditi na sanaciji zaštitne ograde na krivini kod bivše tzv. zgrade Seperacije. Koliko znam prošle godine je čovjek koji je sa ovih prostora, a sada živi vani udario u zaštitnu ogradu i dosta je oštetio. Međutim nedavno neko od učesnika u saobraćaju je udario automobilom u isto mjesto i do kraja uništio zaštitnu ogradu u dužini od prilike 5 do 6 metara, ako sam dobro čuo da je i sletio sa nadvožnjaka. Znači, tu je sada prazan prostor, a dosta oštra krivina. To je uz sami regionalni put, možda nije ni u nadležnosti Općine. Ali, u što kraćem roku trebalo bi nešto poduzeti, da li pisati firmi koja održava ovaj regionalni put ili možda postoji neki drugi način.

**Emir Islamović**

4. Kada će biti realizovani ugovori koji su potpisani a odnose se na put za MZ Borovicu, put za MZ Budoželje.... za koje smo dobili sredstva od Ze-do kantona u 2022. godine?

**Nurdin Begović**

5. Koja firma vrši sječu ili potkresivanje stabala u gradu, posebno onih u malom parku, gdje se nalazi i jedini park za djecu u našem gradu? Da li je ispoštovana Odluka o komunalnom redu Općine Vareš i Zakon o komunalnim djelatnostima? Ko će eventualno nadoknaditi štetu ili popraviti, koja je nastala prilikom izvođenja radova?
6. Da li je u planu da bude asfaltiran dio puta koji se nalazi na kraju Pruge? Napominjem da su stanovnici koji žive na kraju ul. Pruga spremni finansirati jedan dio ovih troškova?

**Amela Brkić**

7. Pitanje i molba prije početka ljeta, ako možete da ili uklonite dječije igralište ili da ga popravite u što kraćem periodu, jer predstavlja opasnost za djecu?

**Mahira Brkić**

8. Zašto mjerna stanica, za mjerenje kvalitete zraka ne nalazi se u sistemu Federalnog hidrometeorološkog zavoda? Da li će Općina uputiti Urgenciju Fondu za zaštitu okoliša ili će napraviti saradnju sa Centrom za kvalitet zraka u Zenici, i u tom slučaju će dobiti obavezu održavanja i kolibracije stanice?



## Inicijativa

### **Mahira Brkić**

1. Raskid koncesionog ugovora broj: KC 08/02 od 17.05. 2002. godine, sa svojim Anexima zbog toga što je potpisan pod pretpostavkom da će u razumnom roku biti riješeni imovinsko-pravni odnosi na nekretninama obuhvaćenim koncesionim ugovorom, a i protekom roka od dvadeset i dvije godine isti nisu riješeni.

Inicijativa postavljena u pisanoj formi.

Predsjedavajuća OV stavila je na raspravu Zapisnik sa 33. sjednice OV.

Nije bilo učesnika i predsjedavajuća OV stavila je na izjašnjavanje Zapisnik sa 33. sjednice OV i nakon izjašnjavanja vijećnika konstatuje da je **jednoglasno sa 17 glasova „ZA“ usvojen Zapisnik sa 33. sjednice OV.**

Predsjedavajuća OV stavila je na raspravu prijedlog dnevnog reda 34. sjednice OV koji je usaglašen na Kolegiju Općinskog vijeća.

Nije bilo učesnika u raspravi i predsjedavajuća OV stavila je na izjašnjavanje prijedlog dnevnog reda **34. sjednice OV** koji je usaglašen na Kolegiju Općinskog vijeća i nakon izjašnjavanja vijećnika konstatuje da je **jednoglasno sa 17 glasova „ZA“ usvojen sljedeći**

### *Dnevni red*

1. Izvještaj o izvršenju budžeta Općine Vareš za 2023. godinu. (Pregled prihoda, primitaka i finansiranja po ekonomskim kategorija za 2023. godinu i Bilanca stanja na dan 31.12.2023. godine)

Izvjestilac: Općinski načelnik.

2. Prijedlog Odluke o otpisu sumnjivih i spornih potraživanja.

Izvjestilac: Općinski načelnik.

3. Prijedlog Odluke o načinu i uslovima raspolaganja nekretninama u vlasništvu Općine Vareš. (zgrada Centralna radionica)

Izvjestilac: Ermin Musa.

4. Prijedlog Odluke o načinu i uslovima raspolaganja nekretninama u vlasništvu Općine Vareš. (Stambena jedinica u ulici Perunska „S-36“ Vareš Majdan)

Izvjestilac: Ermin Musa.

5. Prijedlog Odluke o usvajanju plana parcelacije Poslovne zone „Prnjavor“.

Izvjestilac: Ermin Musa.



6. Izvještaj o radu i finansijskom poslovanju JP Vareš-stan d.o.o. Vareš za 2023. godinu.

Izvjestilac: Direktor JP Vareš-stan d.o.o. Vareš.

7. Izvještaj o radu JKP d.o.o. Vareš za 2023. godinu.

Izvjestilac: Direktor JKP d.o.o. Vareš.

8. Prijedlog Programa poticaja u poljoprivrednoj proizvodnji utvrđenih budžetom Općine Vareš za 2024. godinu.

Izvjestilac: Dragan Orozović.

9. Informacija o ostvarenim prihodima u 2023. godini po osnovu odluka Općinskog vijeća Vareš.

Izvjestilac: Stela Terzić.

10. Informacija o zimskom održavanju lokalnih, regionalnih i ostalih puteva i gradskih ulica.

Izvjestilac: Ermin Musa.

11. Tekuća pitanja

#### Ad. 1.

*(Izvještaj o izvršenju budžeta Općine Vareš za 2023. godinu.  
-Pregled prihoda, primitaka i finansiranja po ekonomskim kategorija za 2023. godinu i  
Bilanca stanja na dan 31.12.2023. godine)*

Komisija za privredu, finansije i budžet na 17. sjednici održanoj 24.04.2024. godine jednoglasno je donijela sljedeći **Zaključak**:

- **Komisija prihvata Izvještaj o izvršenju budžeta Općine Vareš za 2023. godinu. (Pregled prihoda, primitaka i finansiranja po ekonomskim kategorija za 2023. godinu i Bilanca stanja na dan 31.12.2023. godine) i isti upućuje Vijeću na razmatranje sa preporukom da se krene sa primjenom trezorskog poslovanja.**

Ispred ovlaštenog predlagača šefica Ureda za finansije i trezor Stela Terzić dala je dodatno pojašnjenje za ovu tačku dnevnog reda i upoznala prisutne o novoj formi Izvještaja koji je urađen u skladu sa Pravilnikom o finansijskom izvještavanju u FBiH.

Otvorena je rasprava u kojoj su učestvovali vijećnici: Mahira Brkić *(koliki je iznos prekoračenja na stavkama izdaci za materijal i sitan inventar i tekućim transferima, traži detaljnije informacije u vezi smanjenja obaveza –obaveze sa 31.12.2023. godine iznose 2.891.602 KM a obaveze sa 31.12.2022.godine su 5.253.650 KM)*, Emir Islamović *(da li ima namjenskih sredstava iz ranijih godina koja nisu utrošena i da li su sredstva u 2023. godini plaćena za ugovorene namjene ili su to sredstva koja su potrošena nenamjenski, koliki je iznos namjenskih sredstava koja su uplaćena a nisu utrošena, predlaže predlagaču da donese neke mjere za saniranje budžeta)*, Općinski načelnik Zdravko Marošević *(dao je određena pojašnjenja i izjavio na da postavljena pitanja vijećnika Islamović Emira Služba za finansije može dostaviti informaciju)* i šefica Ureda za finansije i trezor Stela Terzić *(dala je odgovore na postavljena pitanja u raspravi)*.



Zaključena je rasprava i predsjedavajuća OV stavila je na izjašnjanje Izvještaj o izvršenju budžeta Općine Vareš za 2023. godinu. (Pregled prihoda, primitaka i finansiranja po ekonomskim kategorija za 2023. godinu i Bilanca stanja na dan 31.12.2023. godine).

Nakon izjašnjanja vijećnika predsjedavajuća OV konstatuje da sa 6 glasova „ZA“, 8 glasova „PROTIV“ i 4 „SUZDRŽANA“ glasa nije usvojen

***Izveštaj o izvršenju budžeta Općine Vareš za 2023. godinu.  
-Pregled prihoda, primitaka i finansiranja po ekonomskim kategorija za 2023. godinu i  
Bilanca stanja na dan 31.12.2023. godine.***

**Ad. 2.**

*(Prijedlog Odluke o otpisu sumnjivih i spornih potraživanja)*

Komisija za privredu, finansije i budžet na 17. sjednici održanoj 24.04.2024. godine jednoglasno je donijela sljedeći **Zaključak**:

- **Komisija prihvata Prijedlog Odluke o otpisu sumnjivih i spornih potraživanja i isti upućuje Vijeću na razmatranje.**

Komisija za statutarna pitanja i propise na 27. sjednici održanoj 25.04.2024. godine jednoglasno je donijela sljedeći **Zaključak**:

- **Komisija nema primjedbi na Prijedlog Odluke o otpisu sumnjivih i spornih potraživanja i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*da li su utužene obaveze kojima je je došao rok za utuženje*), Amela Brkić (*zbog čega sredstva koja se otpisuju nisu naplaćena, šta se dešava sa imovinom preduzeća koja su navedena u prijedlogu odluke*), Emir Islamović (*koja su realna sredstva koja se mogu dobiti od firmi koje su pod stečajem*), Općinski načelnik Zdravko Marošević (*dao je pojašnjenje o određenim problemima utuživanja pojedinih firmi*), Mahira Brkić (*uz obrazloženje sugerisala je da se određene firme utužuju čim se steknu uslovi, prije pokretanja stečanog postupka*) i Zakir Džafo (*mišljenja je da je predlagač nedovoljno obrazložio ovu odluku*).

Zaključena je rasprava i predsjedavajuća OV stavila je na izjašnjanje Prijedlog Odluke o otpisu sumnjivih i spornih potraživanja.

Nakon izjašnjanja vijećnika predsjedavajuća OV konstatuje da je jednoglasno sa 17 glasova „ZA“ usvojena

***Odluka o otpisu sumnjivih i spornih potraživanja.***



### Ad. 3.

#### *(Prijedlog Odluke o načinu i uslovima raspolaganja nekretninama u vlasništvu Općine Vareš -zgrada Centralna radionica)*

Komisija za statutarna pitanja i propise na 27. sjednici održanoj 25.04.2024. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš – Centralna radionica i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*da li je prihod od prodaje bio planiran u budžetu za 2024. godinu, predložio je ukoliko se usvoji ova odluka, da se donese zaključak koji će biti opći za ubuduće da sredstva dobivena od ovakvih prodaja stalne imovine mogu biti utrošena samo na infrastrukturne projekte koje je odobrilo Vijeće, uz pojašnjenje predložio je da se za sljedeću sjednicu OV predloži i Odluka o prodaji objekta tzv. „Papirna“*), Mahira Brkić (*informisala je prisutne da je obavila razgovor sa dijelom rukovodstva Adriatic Metals vezano za kupovinu objekta i njihove razloge i interes za istim*), Mario Mirčić (*ispred Kluba vijećnika HDZ izjavio da će Klub podržati ovu tačku dnevnog reda*), Emir Islamović (*skrenuo pažnju da uz odluku nema Mišljenja pravobranioca, uz dato pojašnjenje iznio je stav Kluba vijećnika SDA koji predlaže da se odgodi ova prodaja za iduću godinu, da se namjenska sredstva predvide u budžetu na prihodovnoj i rashodovnoj strani, izjavio je da Klub vijećnika SDA neće podržati ovu tačku dnevnog reda*), Mirnes Ajanović (*uz pojašnjenje predložio je da Vijeće donese zaključak kojim će se tražiti povećanje koncesione naknade, izvijestio je prisutne da će Klub vijećnika SDP pokrenuti i inicijativu po istom, izjavio je da Klub vijećnika SDP neće podržati ovu tačku dnevnog reda*), Mahira Brkić (*upoznala je prisutne da je već u Vladi ZDK procedura za povećanje koncesija i da je Inicijativa pokrenuta od privrednog subjekta*), Općinski načelnik Zdravko Marošević (*uz pojašnjenje iznio je mišljenje u vezi prijedloga vijećnika Dodik Daria, izjavio da je ova tačka pripremljena iz odgovornosti prema kompaniji Adriatic Metals i ista je dostavljena Vijeću na razmatranje i izjašnjavanje*), Dario Dodik (*replika*) i Emir Islamović (*replika*).

Zaključena je rasprava i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš – Centralna radionica.

Nakon izjašnjavanja vijećnika predsjedavajuća konstatuje da sa **7 glasova „ZA“**, **10 glasova „PROTIV“** i **1 „SUZDRŽANIM“ glasom nije usvojena**

#### ***Odluka o načinu i uslovima raspolaganja nekretninama u vlasništvu Općine Vareš -zgrada Centralna radionica.***

### Ad.4.

#### *(Prijedlog Odluke o načinu i uslovima raspolaganja nekretninama u vlasništvu Općine Vareš -stambena jedinica u ulici Perunska „S-36“ Vareš Majdan)*

Komisija za statutarna pitanja i propise na 27. sjednici održanoj 25.04.2024. godine jednoglasno je donijela sljedeći Zaključak:



- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš – stambena jedinica u ulici Perunska „S-36“ Vareš Majdan i isti upućuje Vijeću na razmatranje.**

Izvjestilac nije imao dodatno pojašnjenje za ovu tacku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjanje Prijedlog Odluke o načinu i uslovima raspolaganja nekretninama u vlasništvu Općine Vare – stambena jedinica u ulici Perunska “S-36” Vareš Majdan.

Nakon izjašnjanja vijećnika predsjedavajuća OV konstatuje da je **sa 11 glasova “ZA” i 7 “SUZDRŽANIH” glasova usvojena**

***Odluka o načinu i uslovima raspolaganja nekretninama u vlasništvu Općine Vareš -stambena jedinica u ulici Perunska „S-36“ Vareš Majdan.***

Na traženje Kluba vijećnika SDA, predsjedavajuća OV dala je pauzu u trajanju 10 minuta. Nastavljeno je sa radom sjednice.

***Ad.5.***

***(Prijedlog Odluke o usvajanju plana parcelacije Poslovne zone „Prnjavor“)***

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Emir Islamović (*uputio je pitanje predlagачu u vezi male kvadrature parcele koja se prodaje, dokle je došlo uređenje industrijske zone Kram*) i pomoćnik načelnika Ermin Musa koji je dao odgovore na postavljena pitanja.

Zaključena je rasprava i predsjedavajuća OV stavila je na izjašnjanje Prijedlog Odluke o usvajanju plana parcelacije Poslovne zone „Prnjavor“.

Nakon izjašnjanja vijećnika predsjedavajuća OV konstatuje da je **jednoglasno sa 18 glasova „ZA“ usvojena**

***Odluka o usvajanju plana parcelacije Poslovne zone „Prnjavor“.***



**Ad.6.**

*(Izveštaj o radu i finansijskom poslovanju  
JP Vareš-stan d.o.o. Vareš za 2023. godinu)*

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjanje Izveštaj o radu i finansijskom poslovanju JP „Vareš-stan d.o.o. Vareš za 2023. godinu.

Nakon izjašnjanja vijećnika predsjedavajuća OV konstatuje da sa 5 glasova „ZA“ , 9 glasova „PROTIV“ i 2 „SUZDRŽANA“ glasa nije usvojen

*Izveštaj o radu i finansijskom poslovanju  
JP Vareš-stan d.o.o. Vareš za 2023. godinu.*

**Ad.7.**

*(Izveštaj o radu JKP d.o.o. Vareš za 2023. godinu)*

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zakir Džafo (*ispred Kluba vijećnika SDA čestitao organima upravljanja i direktoru preduzeća na uspješnom poslovanju*), Dario Dodik (*podsjetio na obećanje Načelnika i direktora preduzeća o nabavci male mašine za zimsko održavanje uskih gradskih ulica koje nije ispoštovani, iznio svoje mišljenje o cijeni vode i naplate razlike cijene od Općine Vareš*), Mirnes Ajanović (*ispred Kluba vijećnika SDP čestitao direktoru na uspješnom poslovanju*), Igor Hinger (*uz dato pojašnjenje postavio pitanja - da li postoji mogućnost da preduzeće na neki način bude sponzor organizacijama, sportskim udruženjima i sl., i da li postoji mogućnost da radnici preduzeća povremeno očiste parkove u gradu*) i Amela Brkić (*uz pojašnjenje postavila je pitanje u vezi problema sadbijevanja vodom sela Zubeta i Ravne*)

Direktor gosp. Zafer Kamenjaš upoznao je prisutne o aktivnostima, angažmanu preduzeća kao i o rezultatima poslovanja. U svom obraćanju dao je odgovore na postavljena pitanja vijećnika u raspravi.

Zaključena je rasprava i predsjedavajuća OV stavila je na izjašnjanje Izveštaj o radu JKP d.o.o. Vareš za 2023. godinu.

Nakon izjašnjanja vijećnika predsjedavajuća OV konstatuje da je jednoglasno sa 17 glasova „ZA“ usvojen

*Izveštaj o radu JKP d.o.o. Vareš za 2023. godinu.*



#### Ad.8.

*(Prijedlog Programa poticaja u poljoprivrednoj proizvodnji utvrđenih budžetom Općine Vareš za 2024. godinu)*

Izvjestilac nije imao dodatno pojašnjenje za ovu tačku dnevnog reda.

U raspravi je učestvovao vijećnik Mirnes Ajanović koji je u svom obraćanju uputio pozitivno mišljenje na Program iako smatra da su nedovoljna sredstva da bi se napravili neki veći efekti u poljoprivredi i poljoprivrednoj proizvodnji.

Zaključena je rasprava i predsjedavajuća OV stavila je na izjašnjavaње Prijedlog Programa poticaja u poljoprivrednoj proizvodnji utvrđenih budžetom Općine Vareš za 2024. godinu.

Nakon izjašnjavaња vijećnika predsjedavajuća OV konstatuje da je **jednoglasno sa 16 glasova „ZA“ usvojen**

*Program poticaja u poljoprivrednoj proizvodnji utvrđenih budžetom Općine Vareš za 2024. godinu.*

#### Ad.9.

*(Informacija o ostvarenim prihodima u 2023. godini po osnovu odluka Općinskog vijeća Vareš)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

*Informaciju o ostvarenim prihodima u 2023. godini po osnovu odluka Općinskog vijeća Vareš.*

#### Ad.10.

*(Informacija o zimskom održavanju lokalnih, regionalnih i ostalih puteva i gradskih ulica)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

*Informaciju o zimskom održavanju lokalnih, regionalnih i ostalih puteva i gradskih ulica.*



**Ad.11.**  
**(Tekuća pitanja.)**

1. Dopis na razumijevanje/apel broj:P-11/24 od 05.04.2024. godine u vezi dešavanja u šumi u posljednjih mjesec dana u neposrednoj blizini MZ Pogar. Dopis dostavljen od predsjednika MZ Pogar.

Predsjedavajuća OV upoznala je prisutne da je po Zaključku Kolegija OV, PJ Šumarija Vareš dostavila Odgovor i informaciju o šumarskim aktivnostima na području MZ Pogar broj:09-1411/24 od 26.04.2024. godine.

Vijećnik Dario Dodik skrenuo je pažnju na zakonske odredbe koje regulišu prekršaj za iznošenje blata na vozilima na ceste i pozvao pripadnike PS Vareš da pravovremeno reaguju na ovakve prekršaje.

2. Račun za razliku cijene obračuna komunalnih usluga za fizička i pravna lica za mjesec mart 2024. godine, broj:101-03/2024 od 28.03.2024. godine. **(Informativno).**

3. Predsjedavajuća OV podsjetila je prisutne na Zahtjev za hitnu sanaciju/rušenje stuba u Vareš Majdanu dostavljen od Plavšić Latinke 21.11.2023. godine. Po istom se očitovala Služba za prostorno uređenje, Očitovanje broj:02/3-2627/23 od 29.11.2023. godine u kome je navedeno da je u saradnji sa Službom za civilnu zaštitu izašlo se na teren, utvrdilo stanje starog željeznog stuba koji više nije u upotrebi, te će se isti ukloniti u narednom periodu.

Stub još nije uklonjen i predsjedavajuća OV pozvala je nadležne da odgovore kada će biti realizovano rušenje stuba.

Pomoćnik načelnika Ermin Musa izvijestio je prisutne da Služba za civilnu zaštitu iz opravdanih razloga ipak to nije mogla realizovati. Bilo je obećanje od fizičkog lica da će ukloniti stub, međutim nije urađeno. Pomoćnik načelnika sugerisao je Vijeću da se Zahtjev proslijedi Općinskom načelniku da riješi navedeni problem.

Predsjedavajuća OV predložila je i stavila na izjašnjavanje sljedeći

**Zaključak:**

- **Da se problem u vezi zahtjeva za hitnu sanaciju/rušenje stuba u Vareš Majdanu br.01-135/23 od 21.11. 2023. godine hitno uputi na rješavanje Općinskom načelniku i nadležnoj službi. Dostaviti informaciju o poduzetim radnjama Stručnoj službi OV.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

4. Obavještenje broj:01-681/24 od 19.04.2024. godine od JU MSŠ Nordbat 2 Vareš u vezi dopisa Mirsada Alihodžića za mogućnost pokretanja inicijative za formiranje odjeljenja Šumarskog smjera od 05.02.2024. godine. **(Gore navedeno Obavještenje dostaviti Alihodžić Mirsadu)**
5. Dopis JU Centar za socijalni rad Vareš, broj:01/06-31-760/24 od 22.04.2024. godine u vezi rješavanja trenutne problematike prostorija.

U raspravi su učestvovali vijećnici: Emir Islamović, Amela Brkić, Sahudina Beganović i predsjedavajuća OV Mahira Brkić.

Na osnovu diskusije u raspravi predsjedavajuća OV predložila je i stavila na izjašnjavanje sljedeći

**Zaključak:**

- **Dopis u vezi rješavanja trenutne problematike prostorija JU Centar za socijalni rad Vareš, broj:01-06-31-760/24 od 22.04.2024. godine, uputiti na rješavanje i razmatranje Općinskom načelniku i nadležnim službama.**



- Traži se od JU Centar za socijalni rad Vareš da pripremi svoje prijedloge u vezi eventualnog rješavanja problematike prostorija i da iste na sjednici Vijeća prezentuju u sklopu Izvještaja o radu Javne ustanove za 2023. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

6. Presuda Kantonalnog suda u Zenici broj:04 0 U 014605 23 U 2 od 09.04.2024. godine kojom se tužba Rudnika željezne rude d.d. Vareš uvažava, osporeni akt tuženog organa Odluka Općinskog vijeća Vareš broj:01-254/23 od 09.10.2023. godine se poništava u tački I u dijelu koji se odnosi na određene nekretnine navedene u spisku parcela koje se eksproprišu.

Presuda Kantonalnog suda u Zenici broj:04 0 U 013729 23 U 3 od 08.04.2024. godine kojom se tužba „BBM-VAREŠ“ d.o.o. Vareš uvažava, osporeni akt tuženog organa Odluka Općinskog vijeća Vareš broj:01-254/23 od 09.10.2023. godine se poništava u tački I u dijelu koji se odnosi na određene nekretnine.

Predsjedavajuća OV naglasila je da se po presudama Suda predmet vraća tuženom organu na ponovni postupak, a u preostalom dijelu tačka I dispozitiva Odluke ostaje neizmijenjena. Odluka je na snazi u svim drugim dijelovima osim u ovim tačkama.

Predsjedavajuća OV pozvala je pomoćnika načelnika Ermina Musu da ukratko da obrazloženje koje je dao i Kolegiju OV.

Pomoćnik načelnika Ermin Musa u svom obraćanju dao je pojašnjenje da je odlukom Vrhovnog suda poništena Odluka i na inicijativu predsjedavajuće OV hitno je zakazan sastanak kod Načelnika, na kojem on nije bio prisutan jer taj dan nije radio. Na sastanku su bili prisutni predsjedavajuća OV, zamjenica općinskog pravobranioca i stručni suradnik za imovinsko-pravne poslove. Na sastanku je jedno vrijeme bio prisutan i Načelnik. S obzirom da na sastanku nije prisustvovao, uz pojašnjenje sugerisao je da predsjedavajuća OV upozna Vijeće šta je dogovoreno na sastanku.

Predsjedavajuća OV skrenula je pažnju pomoćniku načelnika na dužnosti i obaveze Zakonodavne vlasti (Vijeće) i Izvršne vlasti (Jedinstveni općinski organ) i uputila mu opomenu zbog načina govora.

Predsjedavajuća OV upozнала je prisutne da je na sastanku (na kome su bili prisutni: Načelnik, predsjedavajuća OV, zamjenica općinskog pravobranioca i stručni suradnik za imovinsko-pravne poslove) dogovoreno da se ispoštuje odluka Suda u kojoj je navedeno da predmet potpune eksproprijacije ne mogu biti parcele koje su državna svojina i da se to u rečenici uvede, to znači da se također u predmetu moraju izbaciti brojevi parcela koje su državna svojina.

Uz dato obrazloženje predsjedavajuća OV upozнала je Vijeće sa dijelom stenograma sa 18. sjednice OV održane 28.07.2022. godine koji se odnosi na Prijedlog Odluke o utvrđivanju javnog interesa za izgradnju puta Borovica (lokacija Rupice)-Tisovci) u kome se vidi da je na postavljeno pitanje predsjedavajuće OV „*Da li su tu ispoštovane sve upute od strane Suda?*“, koje je uputila pomoćniku načelnika gosp. Musa Erminu, isti je dao odgovor „...jeste. Oni su nama naložili da saslušamo ovu stranku u postupku i mi smo to uradili i ponovo smo znači predložili odluku, nešto je prihvaćeno nešto nije što su oni to tražili. Uglavnom ispoštovana odluka Suda.“

U daljnjoj raspravi su učestvovali vijećnici koji su iznijeli svoja mišljenja, primjedbe, sugestije i prijedloge: Emir Islamović, Mahira Brkić, Nazif Hajrić, Mario Mirčić, Zakir Džafo, Asmir Čizmo, Dario Dodik i Amela Brkić.

Nakon diskusije u raspravi predsjedavajuća OV predložila je i stavila na izjašnjavanje sljedeći



**Zaključak:**

- Da se svi zaposlenici Jedinštenog Općinskog organa, državni službenici i namještenici isključivo pridržavaju Pravilnika o internoj komunikaciji u Općini Vareš br:02-206/24 od 26.01. 2024. godine u suprotnom Vijeće neće razmatrati akte na sjednicama Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

7. Vijećnik Emir Islamović ispred Kluba vijećnika SDA i uz dato pojašnjenje predložio je sljedeći

**Zaključak:**

- Općinsko vijeće Vareš upućuje URGENCIJU Odboru za žalbe da se u roku od 15 dana po prijemu iste, Odbor izjasni o svojoj konačnoj Odluci u vezi postupka koji je pred ovim Odborom pokrenut po žalbi jednog od kandidata na "Javni konkurs za popunu radnog mjesta rukovodećeg državnog službenika u Općini Vareš, sa pozivom na broj: 09-30-8-47/23" (Sekretar/Tajnik Općinskog vijeća).
- Općinsko vijeće Vareš kao političko tijelo neće se upuštati u raspravu o meritumu Odluke Odbora ali insistira da se Odbor izjasni konačnim stavom i odlukom o ovom slučaju.
- Ovaj Zaključak stupa na snagu danom donošenja.

Predsjedavajuća OV stavila je na izjašnjavanje predloženi Zaključak i nakon izjašnjavanja vijećnika konstatuje da je **jednoglasno sa 18 glasova „ZA“ usvojen predloženi Zaključak.**

8. Vijećnik Igor Hinger uz dato pojašnjenje traži od nadležnih u organu uprave, informaciju vezanu za MHE „Tribija“ (kada je odluka donesena, da li je prošao rok za izgradnju, da li je aktuelna koncesija, može li se spriječiti izgradnja MHE i sl.).

U raspravi su učestvovali vijećnici: Amela Brkić, Mirnes Ajanović i Emir Islamović.

Predsjedavajuća OV na osnovu diskusije vijećnika u raspravi zadužila je Stručnu službu OV da na osnovu tonskog zapisa diskusije vezano sa MHE Tribija, pripremi kratak akt koje informacije traže vijećnici, isti dostavi zamjeniku općinskog pravobranioca koji će do naredne sjednice Vijeća dostaviti informaciju o eventualnim pravnim mehanizmima za rješavanje ovog problema.

Predsjedavajuća OV u ime Općinskog vijeća Vareš i u svoje lično ime uputila je svim građanima čestitke za 1. maj – Međunarodni praznik rada i građanima pravoslavne vjeroispovijesti blagdan Vaskrs.

Sastavni dio ovog Zapisnika je audio zapis sjednice.

Sjednica je završena u 17.58 sati.

SEKRETAR  
OPĆINSKOG VIJEĆA

Mersad Đido



PREDSJEDAVAJUĆA  
OPĆINSKOG VIJEĆA

Mahira Brkić